

ЖОЛДАУ КЕҢІНЕН ТАЛҚЫЛАНУДА

Таяуда Ақпараттық білім беру орталығы бас ғимаратының оқу залында Елбасы Н.Ә.Назарбаевтың Қазақстан халқына жолдаған «Қазақстан жаңа жаһандық нақты ахуалда: өсім, реформалар, даму» атты Жолдауын талқылау жиыны өтті. Жиынға АБО директоры Д.Баймуханбетова, ТІ және ЖСД директоры Е.Байқонысов, ТІ және ЖСД бас маманы Г.Орынбекова, «Экономика және қаржы» факультетінің аға тәлімгері Ғ.Пазылов, СМ факультетінің т.ғ.к. М.Қамбаров, «Техникалық мамандықтарға арналған орыс тілі» кафедрасының оқытушысы М.Қожахметова, студенттік ректор Т.Есжан, АБО сектор меңгерушілері Х.Шамбулова, Б.Жұмабаева, АБО кітапханашылары А.Икласова, В.Искакова, С.Саткинбекова, Г.Булетова, университеттің оқытушылары мен студенттері қатысты.

Елбасы Н.Ә.Назарбаевтың халыққа арналған бұл жолғы Жолдауы бүгінгі-әлемдік ахуалдың күрделі кезеңіндегі еліміздің даму жолын айқындауымен ерекшеленді. Кездесу барысында Жолдауда айтылған әлеуметтік-экономикалық дамудың жаңа кезеңдері талқыланып, көрсетілген мақсат-міндеттердің өзектілігі туралы айтылды. Қатысушылар сөз алып,

жастардың Жолдауға қолдау көрсету және өз Отанының патриоты болу, саналы көзқарасын қалыптастыруға ықпал ету, азаматтық белсенді ұстанымы бар, жауапкершілігі мол жастарды тәрбиелеу керектігін атап көрсетті. Жиынға қатысушылар Елбасы қойған міндеттерді қолдап, оны орындау әр азаматтың патриоттық парызы, жауапкершілігі екенін атап өтті.

Елбасының Жолдауын жастар арасында кеңінен насихаттау, түсіндіру және қолдау мақсатында Ақпараттық білім беру орталығының барлық оқу залдарында талқылау жиындары өткізілді.

Халида ШАМБУЛОВА, АБО сектор меңгерушісі

